

B. h. II, 46.  
h. 6, 12.

QVOD (X1883906)  
**KAROLUS IV.**  
**AUGUSTUS,**  
**non dissipaverit Im-**  
perii Patrimonium, qvatenus per-  
tinet ad regnum Arelatense,

PRÆSIDE  
**CONRADO SAMUELE**  
**SCHURZFLEISCHIO,**  
PROFESSORE PUBLICO,

*afferet atque evincet*  
**GEORGIVS GIESE,**  
Magdeburgensis,  
A. & R.

*In Auditorio majori.*

WITTENBERGÆ,

Imprimebat MATTHÆUS HENCKELIUS, Acad. Typogr.  
ANNO CLX IOC LXXXIV.





PROFESSORIS LIBRICO

CHARACTERIS GLOBO

W. M. P. 1752

*ILLUSTRI ET GENEROSISSIMO  
DOMINO,*  
**DN. ERNESTO**  
**DE BÖRSTEL,**

Serenissimi & potentissimi ELE-  
CTORIS BRANDENBURGICI &c. &c. &c. Con-  
silio rei bellicæ splendidissimo , Camerario inclu-  
to, Generali militiae Præfecto Majori, Sancti Johanni-  
tarum Ordinis Eqviti , & Commendatori VVerbenensi,  
Gubernatori castris Magdeburgensis fortissimo, ut &  
Præfecturarum VVolmerstadii & VVanslebiæ  
-logisq ; Capitaneo Supremo ,

**DOMINO MEO**  
**GRATIOSISSIMO.**

*Illustris & generosissime  
Domine.*

O T E S T A M E N T U M  
D E B O R S T E L

**I**llustrisimo Tuo Nomi-  
ni , qvod laude bellandi  
immortali, & fortitudinis famâ  
exteror in admirationem rapit,  
me clientem exhibeo, & pagel-  
las aliquot offero dedicoque.  
Judicium tuæ bonitati permit-  
to, cuius prudentiam in belli &  
&

& togæ negotiis admiror , &  
mecum suspicit hæc ætas, qvæ  
nunc inter arma & legiones ,  
nunc inter purpuratos & aulæ  
proceres,tuam sanè altitudinem  
animi hostibus metuendam, &  
virtutes demerendis rerum ar-  
bitris aptissimas atq; incompa-  
rables crevissere recordatur. An-  
te signa stare, locum castris ca-  
pere , & Principem seqvi , ma-  
nuq;ve tutari , hæc tua voluptas  
semper fuit . In eam nempe  
spem fortunamq;ve natus & e-

du-



ducatus es, ut inter militiæ pri-  
mores constantia tua in primis  
enitesceret, qvam nulli ancipi-  
tes casus convellere, nulla,  
qvamvis maxima pericula, la-  
befactare potuerunt. Qvo-  
ties cohortes errore metuque  
dilapsas ad pugnandi ordinem  
officiumqve reduxisti? Qvo-  
ties in discrimine pugnæ pri-  
mum te ad orientibus objecisti?  
Semper animo & corpore fir-  
mus paratusqve inter confertis-  
sima agmina præliatus, nee vul-  
ne-



nera , neqve i&tus extimuisti.  
Consilium , industria , fortitu-  
do domi forisqve fatis eluxe-  
runt , & majorum decora de-  
nuò per T. E. cumulata, ani-  
mum divinum & summum pa-  
tificerunt. Ego, qvâ decet re-  
ligione, Deum precor, ut hanc  
gloriam nominis rerumqve ge-  
starum ad seros posteros ser-  
vet , & sub maximi Branden-  
burgensium Electoris tutela  
& auspicio , felicitatem stabi-  
lem, valetudinem prosperam &  
fir-

Carlo Augustus



firmam, successus invidendos,  
Illumæ T. GENEROSITATI, &  
gentituæ universæ porrò largia-  
tur . Qvod vovet, & suam obse-  
quentissimi Clientistenuitatem,  
qvâpar est veneratione & pieta-  
te, humilimè commendat

*Illustriſſimæ T. Generofitati  
obſequentissimus  
Servus, Cliens & admirator.*

Georgius Giese.



I.

**S**unt imperia, quæ non pleno,  
sed dividuo regendi jure constant, nec  
pro arbitrio, ac potestate Regiâ, sed ex  
pacto & convento administrantur.

II. Qvorum tota vis ex mutuâ paci-  
fentium obligatione pendet, non  
quatenus ea duntaxat ad modum regendi pertinet, sed  
quatenus ex ipsâ imperii ratione intimâ proficiscitur, at-  
que ad ejus formam statumqve spectat, & imperandi jus  
directè & intrinsecus afficit ac tangit.

III. Regna sigillatim nostræ gentis non testamen-  
to, sed suffragio & pacto delata sunt, qualia ex præscripto  
prudentum legitima appellantur, reverâ autem seu prin-  
cipatus, seu potius Republicæ populares extiterunt, apud  
*Tacitum Mor. Germ. XI. 6.*

IV. Serô autem Germania omnis conjuncta est, ac  
nominatim auspicio KAROLI M. in unum civile corpus  
coaluit, firmâ pariter auctoritate Regum, & salvâ Proce-  
rum libertate, quæ vel maximè in regni Comitiis reluce-  
bat.

V. Postea dissidiis res Francorum attritæ, ac de-  
mum casu stirpis Karlingorum in eum locum deductæ  
sunt, ut Germania se in perpetuum ab iis sejungeret, & li-  
bero eligendi jure uteretur. Quibus rebus evenit, ut sub  
duobus primis Regibus atqve Imperatore Saxonice, & Sa-  
licorum primo, novis fulta viribus, proferret fines suos

A

trans

trans Mosam & Rhodanum, & regna Lotharii Burgundionumque subjiceret suæ potestati.

VI. At non perinde cum Salicorum Imperatore tertio actum est, qvo regnante auctoritas Regum factinibus imminuta, haud parum de terrore & veneratione Germanici nominis apud finitimos exterosque detraxit.

VII. Nihilo minorem Germaniæ perniciem attulerunt effusæ Cæsarum donationes, qvarum ne Saxones quidem, cetera fortissimi, & de universâ Germanorum natione optimè meriti, modum tenerunt.

VIII. De Regno Burgundiæ in suspicionem vocatur KAROLUS IV. & quasi is tam prodigus largitor fuerit, atqve hujus regni jure cesserit, à multis nec spernendis scriptoribus palam arguitur & accusatur.

IX. Qvem cum defendere instituo, non superiorum Burgundiæ Regum actates & acta persequebar, sed verum & civile regni istius imperium nullâ KAROLI IV. cessione extinctum, Germaniæ afferam, idqve veris ac sine studio odioqve depromtis monumentis confirmabo.

X. Principiò ipsa Karolina sanctio ad probandum hoc idonea est, qvippe qvatributus concessusqve Archiepiscopo Trevirensi titulus, solenne Imperii ministerium notat, & aperte indicat, id pcr Galliam & regnum Arelatense non inani, & dicis causa apposito elogio patere. A. B. tit. 1.

XI. Sanè certum est, hanc legem Karolinam non universè statum formamqye Imperii definire, sed cumpromis *Electorum Imperii*, & *electionis imperatoriæ* jura sancire, atqve adeo nihil frustra & sine causâ in eam relatum esse, qvod ad *Electores* & eorum *officia* ac dignitates spectat.

XII. Ra-



XII. Ratio regulaqve interpretandi omnino optima, & necessario nunc adhibenda est, qvæ Auḡsti Legislatoris menti congruit, & cavet, ne qvid ab eo sancitum, frustra sancitum promulgatumqve videatur. vid. *de interpretatione Hugo Grotius de J. B. & P. II. XVI. & III. XIX.*

XIII. Proinde si sacri Imperii per Galliam & regnum Arelatense *Archicancellariatus* in sede apud Treviros fundatus olim & fixus, eā in constitutione, qvæ præcipue ad *Electores* pertinet, evidenter ac perspicuè Archiepiscopo Trevirensi assignatur, ut certè ipsi prorsus assignari manifestum est: jure & meritò sumenda est interpretatio, qvæ vetat amplecti id, quod facit, ut aut verborum significatio in irritum recidat, aut sententia auctoris menti contraria & repugnans admittatur.

XIV. Illud certè constat, hunc *Archicancellarii* titulum à Boemundo inde Archiepiscopo sumtum, & constanter esse servatum. Multi qvidem dubitant, aliqui conjecturâ ducti affirmant, imperante FRIDERICO II. vel paulò post cœptum esse usurpari, perinde ac arbitratur Bernhardus Mallinckrot in erudito libro *de Archicancellariis Imperii Romani*. At istum sanè scrupulum eximunt tabulæ Boemundi I. qui ab A. d. c. 1308 usque ad annum c. 1319 sedi Trevirorum præfuit, atque hoc titulo usus est, indicio juris, quod eopse nomine significatur, tunc nondum amisisti, nedum derelicti. Respondet autem hoc tempus postremis Rudolphi Habsburgii annis, & complectitur tempora Adolphi Nassavii, & pertinet ad initium legitimi quoqve imperii Cæsaris ALBERTI I. vid. *Chr. Browerus annal. Trevir. tom. II. lib. XVI.*

XV. Qvare hinc sequitur, Rudolphum I. summam eius regni potestate se non abdicasse, qvin potius in beneficiariâ Comitatûs Provincie concessione, summum dire-

*Etumq;e dominium sibi reservâsse : certè autem universo  
Burgundiæ regno nunquam renunciâsse, atq;e eo etiam vi-  
vis exempto, controversiam super confirmatione ab Adol-  
pho Nassavio cœptam, satis evincere ac testari posse, Cæ-  
farem in jure cum Provinciæ , tūm præcipue regni Bur-  
gundiæ tuendo ad ultimum perseverâsse ; imò hoc regnan-  
te, Boemundum I. hujus nominis Trevorum Antistitem,  
asserendi juris ergò , nomen titulumq;e Archicancellarii  
per Arelatense regnum suscepisse. Browerus d. l. ubi exi-  
stimat, primum ab Arnaldo II. Trevorum Archiepisco-  
po, qvi Friderico II. & Conrado IV. æqualis fuit, susce-  
ptum esse hoc munus : deinde aliquantiu intermissum,  
cum titulis attributum Boemundo, qvod vellein tabula-  
rum & testimoniorum fide firmasset.*

XVI. Sunt, qvi existiment, munus Archicancella-  
rii Trevirensis prius extitisse, qvam ejus procreationem,  
ut argumento diplomaticis colligunt, qvod extat apud Guili-  
Kyriandrum Augustæ Trevorum annal. part. XI. p. 76.  
Unde repetit Jo. Limnæus Additionum t. V. lib. III. cap. 5.  
Ast ibi non agitur de Archicancellariatu per regnum Are-  
latense constituto, qvippe qvi aliquot fere seculis posteri-  
or est, sed de primatu Galliæ Belgicæ , qvà is ad amplissi-  
mam jurisdictionis ecclesiasticæ dignitatem spectat. Cu-  
jus origo est longè antiquior, atq;e a Johanne XIII. Pon-  
tif. Rom. arcessitur, & ad annum DCCCC LXIX. refer-  
tur. Eam deinde secutæ sunt confirmationes aliorum  
Pontificum, Benedicti VII. Leonis IX. Victoris II. V. Chr.  
Browerus annal. Trev. tom. I. lib. X. & lib. XI. Gv. Kyrian-  
der part. XI. Petrus Merssæus tabulas Leonis IX. Eberhardo  
Trevorum Archiepisco datas memoriae tradidit, Victo-  
ris II. eidem concessas omisit. in annal. Archiep. Trevi-  
rensum LXXVII. Similiter Caspar Bruschius in Episcopatu-

Gev-



*Germaniae in Eberardo.* Diversus est Primatus Episcopii Arelatensis, qui Francorum primae stirpis Regum ætate conditus, principio per universam Galliam patuit: sed postea Clodovæo, ad religionis Christianæ societatem perduto, Remigius in toto ejus regno primatum adeptus est: in cetera Gallia, quæ Gothis tunc Arianis parebat, neandum regno Francorum conjuncta erat, Arelatensis Episcopus primatum obtinebat. Qvod intelligendo Baronio plurimum facit, qui privilegium Symmachi Pont. ad Cæsarium de primatu concessio prescriptum, non ex ordine temporum, sed ex instituti occasione ad annum 502. retulit, & alteram ejus epistolam anno 514. editam ex mutilo & mendoso codice recensuit ac vulgavit. In quo argumento felicius versati sunt Jacobus Sirmondus, Petrus Marca, Carolus Cointre, idque jam non exeqvor, neque hujus est loci.

XVII. Igitur in præsens quæri oportet causam & principium conservati juris Imperii, quod KAROLUS IV. tribus, nec fallentibus indiciis afferuit & roboravit. Primum suppeditat publicum Aureæ Bullæ testimonium, in quâ non primum concessus, sed confirmatus est prædictus Archicancellarius. Idem hoc argumentum est, quod affert & urget Hermannus Conringius, & censet, ante hanc legem & pronunciationem KAROLI IV. nondum id esse factum. Non quasi in universum neget, ante Karoli bullam illud murius fuisse penes Trevirensem: sed quod tunc constitutione Imperatoris publicâ Trevirensi primum fuerit assignatum, et si jam ante hanc legem sententiâ & beneficio Cæsarum reverâ Trevirorum metropoli concessum tributumque erat, ut ex antiquo & diligente gestorum Boemundi scriptore aliquoties evici: conf. Conring. def. Imp. cap. XXIV. & dissertatio de Officialibus Imperii. §. X. Ubi tamen de tempore nihil certi constituit, & pro-

nunciat, vix claram hujus Archicancellarii mentionem legi ante Bullam Auream Caroli IV. De sanctione publicâ largior, quæ nusquam extat, in quâ tale quid legatur: de aliis concessionum tabulis nego, & Boëmundi, qui ante KAROLUM IV. vixit mortuusque est, exemplum obverto. Ille autem gessit hunc titulum, ut narrat Boëmundi scriptor: quod jus suâ auctoritate sibi sumere non potuit, eò quod regalia & Imperii officia solo Cæsarum beneficio agnoscantur, & conferantur. Accedit, quod tam eminētia Imperii officia occasionem dederint, acquirendis Eleotorum dignitatibus, atque adeò cum ante has, tūm certe ante Caroli Bullam auream cœperint, & constituta fuerint: quod sicut de ceteris omnibus constat, ita de Trevirensi non est prorsus inficiandum.

XVIII. Qvarè non dixerim, Trevirensis ditionis metropolin, antiquitate & situ maximè egregiam, tamdiu hujus muneric tituli que fuisse expertem, ut ejus Archiepiscopus, per regnum Arelatense *Archicancellarius in Bullam Auream* constituatur. Si is sensus sit, quasi tunc primum cœperit, & constitutus fuerit: Id quod publicis auctorum documentis, & rationibus pragmaticis ad statum conditionemque Imperii Officialium pertinentibus repugnat. Quorum sum tamen inclinant eruditî quidam, & rerum Germanicarum periti homines, inter quos familiam ducit *Joannes Strauchius, dissert. exoter. II. §. 9.* Consentit auctor nuclei *Historiae Germanicae* §. CCV.

XIX. Alterum, neque incertum, & temporum ratione prius, rei hujus indicium præbet Karolina confirmatio, quæ aliquot annis præcessit Bullam auream, & satis indicat, hoc munus atque hunc titulum, non modò ante publicam hanc sanctionem, sed etiam ante Karoli IV. astatem usu tractandoque cognitum fuisse. Nemo, quod sci-

sciam, huc respexit, nec diligentissimus Linnaeus, neque perspicacissimus Conringius, quorum tamen industriam exercuit iste labor. Testis est scriptor gestorum Balduini, Trevirensis Archiepiscopi, & Karoli IV. temporum æqualis, qui totidem verbis scribit, quæ sequuntur. In curia Domini Karoli Imperatoris Moguntiae celebrata confirmationem \* privilegio rumorum & super archicancellariatu re- \* Sine dubio gni Arelatensis obtinuit, ubi etiam per totam Galliam & legendum, Germaniam tutor & mamburnus fuerat constitutus regni privilegorum Romanorum, quo plures sua feoda requirentes infeodavit. suorum : est enim hic hiatus aliquis, si- Hæc Karoli IV. comitia acta sunt Moguntiae anno MCCC ve verborum XLVIII. quæ prætereunt Bohemici scriptores, quasi ad re- defectus, ut gnum suum non pertinentia, tacentque Germanici, & in- ex contextu ter hos Albertus Argentinensis, Nauclerus, Trithemius, & alii, fortè quod tunc jus electionis Karoli adhuc esset con- appetet, troversum. Ista autem hoc majus robur habent, si Comitia ab eodem A. M CCC LIII. indicta, & Moguntiae habita, conjungamus, cum citra controversiam legitimè imperaret, Gunthero quoque Schwazburgio, qui vivus suo jure cesserat, extinto. Nam his posterioribus comitiis privilegia hujus sedis denuo confirmata sunt, ut scriptum reliquit auctor gestorum Balduini ad h. A. Joannes Trithemius, qui multa alioquin scriptori huic accepta tulit, dicta comitia in annum M CCC LIII. rejicit, quas rationes sequitur Chr. Brovverus. Illud omnino liquet, inter alia Karoli III. privilegia, Balduinum jus typarii Imperialis in Galliâ & Arelatenfi regno adhibendi, pro se & omnibus insequentibus Archiepiscopis obtinuisse. Quod vid. Brovver annal. Trev. t. II. lib. XVII. Quod argumento est, regnum Arelatense Imperio non esse subtractum, quia ratione ejus munus Imperiale non modò relictum, sed quoque novis cumulatiōribusque privilegiis auctum fuit.

XX. Ter-



XX. Tertium, nec minus validum non ab alienati  
supremi dominii præsidium collocatur in regiâ inaugura-  
tione, qvæ anno M CCC LXV. Arelati peracta est, evi-  
denti sanè indicio regni illius, Germanorum Imperio ad-  
huc innexi & subjecti. Loqvatur pro Imperatore Benes-  
sius, oculatus plurimorum Karoli actorum testis, idemqve  
Pragensis *Canonicus*, & diligens, gravis eruditusqve, &  
qvod maximum est, ætate conjunctus scriptor, cujus hæc  
sunt verba: *Eodem anno (M CCC LXV) coronatus est D.*  
*Imperator (Karolus III.) coronâ regni Arelatensis, qvod*  
*Romano subest imperio, in civitate Arelatensi, cum maxima*  
*solenitatem.* Nihil clarius esse, nihil planius dici potest in  
hâc causâ, qvæ ad Karoli IIII. famam, & ad Imperii jura  
pertinet, qvippe qvæ solenni *coronatione* non imminun-  
tur, sed integra & non mutata retinentur ac declarantur.  
Nam in alieno, aut ab alienato regno jus *coronandi* nemo  
habet, & nullus est hujusmodi actus, si potestate imperan-  
di, & summâ adeo jurisdictione destituatur. Sciebant  
autem, nec contradicebant Franci occidentales, cum hæc  
magno & publico apparatu agerentur. Rationibus su-  
persedeo, cum vel una hæc firmissima sit, qvæ à secuto usu  
sumitur, unde jus validissimè probatur, ut est apud *Alber-*  
*cum Gentilem disp. V. de extr. l. s. maj. reo.*

XXI. Nec solùm utendo *coronationis* jure, jus sar-  
tum tectum conservavit Karolus, sed etiam exemplo redar-  
guit fabulosas narrationes hominum credulitate decepto-  
rum, qvi putârunt, Rudolpho Habsburgio Cæsare, re-  
gnum Arelatense fuisse interceptum. Parùm abfuit, qvin  
initiò ipse *Conringius*, auctoritate Alberti Argentinensis  
permotus assentiretur, ut ex epistola ad Gvilielmum Gvel-  
forum ducem anno e Iō Iō c XXXVII. perscripta appareat.  
Sed postea, re diligentius expensâ, & comparatis ampliori-  
bus



bus historiæ Germanicæ subsidiis eruditè & sapienter mo-  
nuit, Albertum id recensentem falli penitus & nugari, de  
*fin. Imp. cap. XXIV.* Cui refellendo vel unus Benessius  
sufficit, qvi diu post Rudolphum vixit, & imperante Karo-  
lo III. floruit, rerumqve ipsius pariter & jurium Imperii  
gnarissimus scripsit, *regnum Arelatense Romano subesse Im-*  
*perio*, id est, ab nullo anteriori Cæsare, qvatenus à Frideri-  
co Aenobarbo series ducitur, ablatam, seu abalienatam &  
cessam, adhuc *Imperiali* ditione & potestate contineri.

**XXII.** Fortè occasio fabulandi inde arrepta est,  
qvod à superioribus Burgundiæ Regibus diu omissa esset  
*coronatio*, unde juris deperditi argumentum repetebant.  
Refert enim Benessius, primum fuisse Karolum IV. qvi so-  
lennem illam Regum Arelatensem inaugurationem ali-  
qvot seculis intermissam revocaret, & *coronâ qvintâ à tre-*  
*centis annis neglecta coronaretur*. Verùm sicut usu pro-  
bata *coronatio* non dat jus, sed datum concessumqve dun-  
taxat ostendit & probat, sic intermissa nihil qyicquam de  
jure qvæsitò detrahit, si aliunde servati *domini* indicia sup-  
petunt, qvæ certè, cum Benessius scribebat, tam nota ac  
manifesta, tamqve certa & indubitata erant, ut Karolus  
IV. pro summâ in regnum illud potestate, in urbe Arela-  
tensi regium insigne susciperet: qvod fieri non potuisset,  
si regnum hoc extra fines Imperii, & *Imperialis* jurisdictionis  
situm fuisse.

**XXIII.** Qvare tot & tanta, & tam evidētia conser-  
vati pariter & confirmati per Karolum regni Arelatensis  
testimonia atqve argumenta non sinunt, ut scriptoribus  
novis, & sive errore deceptis, sive studio partium abreptis  
largiamur, Karolum extremo Imperii anno abalienasse  
hoc regnum, idqve transtulisse in Franciæ Delphinum.  
I. eqvidem hæc Karoli IV. abalienatio facta est, atqve eâ de

B

cav-



causâ non præsumitur, sed ab ajente probari debet. II. Ea  
adversatur superioribus Karoli IV. actis, qvibus nihil de  
juribus Imperii derogatum est: Illa autem eousque valida  
& mansura intelliguntur, dum ex actis posterioribus con-  
trarium evincatur. III. In concessionibus de consilio,  
mente & voluntate concedentis non obscurè & dubiè, sed  
evidenter & clarè etiam constare oportet: Id qvod natura  
hujus negotii postulat, & adeo verum est, ut omnia supe-  
riora acta, qvæ Principes apertè & expressè non rescin-  
dunt ac mutant, non modò non mutata, sed quoqve con-  
firmata esse censeantur. IV. Adhæc concessiones Impe-  
ratorum semper tacitam habent clausulam, *salvo Imperii  
jure*. V. Nam ut actus concedentis valeat, duo spectare de-  
bemus, qvorum alterum est, an concedens transferre do-  
minium re ipsa velit, alterum an jure possit. Sanè qui-  
dem Cæsarîs & reipublicæ interest, ut jura Imperii, & re-  
giones Imperio innexæ conserventur. VI. Qvare con-  
cessiones Imperatorum non debent esse fraudi successori-  
bus, præsertim in Imperio *pactitio*, in qvo ut jus regendi,  
sic etiam jus alienandi, spectat ad universos, tanquam uni-  
versos. VII. Ubi autem deest alienandi potestas, ibi obli-  
gatio conservandi tamdiu manet penes Imperatorem,  
qvamdiu is status reipublicæ durat, in qvo universi simul  
jus imperandi habent. VIII. Nisi ergò hi simul consensum  
interponant, actus alienantis non erit perse validus, qviæ  
ex naturâ Imperii *mixti* hoc seqvitur, ut plures uno sint,  
qui simul de republicâ statuant, & leges ferant. IX. Ma-  
gna autem diversitas est concessionum, qvarum interpre-  
tatio ita sumenda est, ut Imperatoris officio & voluntati  
congruat, nec potestati ejus repugnet, neqve nisi ex gravi  
& evidenti causâ ad cessionem supremi & directi domi-

nii



nii porrigitur. Inspiciendæ sunt in primis concessionum clausulæ , qvarum aliæ derogantes, aliæ reservantes occur- runt : priores autem hic locum non habent, qvia Karolus IV. acta superiora , qvatenus ad supremum regni Arelaten- sis dominium pertinent, non rescidit, & data ejus nomine confirmationis privilegia non irrita fecit, nec aliâ conces- sione sustulit, neqve ullâ sanctione contrariâ mutavit. Alteræ verò clausulæ supremum jus non auferunt , sed re- linquunt certè & roborant, qvæ concessionibus Impera- torum adjiciuntur , qvando dominium, vel jurisdictione cum exceptione *directi* dominii, vel supremæ jurisdictionis confertur. XI. Id vero hic usuvenit, qvando Karolus IV. non summam , sed vicariam qvandam potestatem Ka- rolo Delphino largitus est, nullâ partis Imperii abaliena- tione, aut diminutione factâ. XII. Præterea Karolus IV. Imperatoris Augusti titulo rationem regulamqve non a- lienandi sibi præscriptam esse agnovit, præsertim cum re- cogitaret formulam primæ Rudolphi Habsburgii conces- sionis, qvæ ad Comitatum provinciæ spectabat , & sum- mum *directumqve* dominium concedenti reservabat. XIII. Qvinimò minus concessit Karolus , & ne utile qvi- dem regni Arelatensis dominum Delphino assignavit , ut qvi sciret, regnum istud arctissimè Germaniæ conjun- ctum esse. Multum verò interest inter jurisdictionem vicariam & summam, qvarum illa non egrediebatur *per- sonam* Delphini , & nullâ descendentiū mentione ei ob- veniebat, atqve ita concedentis summo juri cavebat , ut cum vitâ Delphini desineret ac finiretur. XIV. Tum ve- rò respublica *jure minorum utitur*, maximè Germanorum Imperium , qvod certis pactis ad fundamentum regendi pertinentibus constituitur & continetur : in quo nulla pars legitimè alienari, nullum membrum validè auferri & se-

parari potest, nisi omnes, qvi unā cū Imperatore jus de-  
liberandi & statuendi habent, sciant, consentiant & simul  
confirmant. Si qvid autem inscientibus his atqve invitatis  
actum alienatumque sit, non modò successor ad servan-  
dum non tenebitur, sed qvoqve obligabitur ad rescinden-  
dum, qvoniam non ex alia causâ imperat, qvam ex naturâ  
hujus actus, qvem *electio* & *pactio* prorsus & omnino me-  
tiuntur. Qvicquid ergo juribus Imperii, & pactis Impe-  
rium fundantibus adversatur, & qvicquid adeò Principum  
Ordinumque Imperii consensu non firmatur, id nullam  
juris vim habet, nec rectè alienatum censetur, atqve ex  
naturali juris prætorii æquitate rescindi debet, ut respubli-  
ca, qvam salvam conservari interest, vel sic certè *jure mi-  
noris utatur*, & ipsa, etiam sine Prætore, vi summæ po-  
testatis, se in integrum restituat, & alienata repetat, ac dona-  
tiones conventionesque omnes, qvibus ipsa deterior facta  
est, rescindat. Id qvod exigit obligatio, & causa haben-  
di Imperii, ratione cuius Imperator non succedit in patri-  
monio, sed *electione* & *pacto* constituitur, ut salvis juri-  
bus, Imperium administret, in qvo regnandi genere inest  
sanè obligatio ad rescindendas qyasvis concessiones, do-  
nationes & abalienationes, ad damnum detrimentumve  
Imperii pertinentes, siqvidem Imperatores contra pacta  
Reipublicæ, & citra assensum Imperii Principum Ordin-  
umque concederunt, donarunt, atqve abalienarunt. V.  
Hugo Grot. lib. II. cap. VI. & lib. III. cap. XX. de J. B. & P.

XXIV. Jam satis intelligitur, qvo robore stent Im-  
peratorum concessiones, qvoe præsidio muniantur: for-  
tè autem longius ab instituto deflexi, qvum consilium mi-  
hi sit excutere scriptores, per qvos rumor percrebuit, Ka-  
rolum IV. de Imperii patrimonio detraxisse hanc insignem  
nobilemque partem, qyæ nomine regni Arelatensis ap-  
pel-

pellatur. Antea quidem apud Romanos in urbe Arelatensi palatum fuit, & Honorii Imp. auspicio magnopere crevit, & erecta est, sed inclinatis Romanorum rebus, Gothis victoribus cessit, & hinc à Francis Merovingis subacta est, at Regibus Burgundicis tunc sedem caputque rerum non præbuit, neque id temporis regni Arelatensis appellatio audita, seu cognita usquam fuit. Imperantibus Karlingis, *Arelatensis* pagi mentio est in codicillis & tabulis, regni Arelatensis nusquam. Qvod comprobatur *renovatio testamenti Abbonis per Karolum M. facta*, apud Joannem Mabillon *de re diplomatica lib. VI. dipl. LXII.* In testamento Karoli M. Arelatum numeratur inter metropoliticas civitates, regni titulo nondum insignitur: apud Eginhardum *de vita Karoli M. cap. 33.* In altero, qvod Pithœus edidit, Burgundia & Provincia memorantur, nihil de regno Arelatensi traditur. Dux Arelatensis Soleratus ab Hluthario impositus occurrit in *annalibus Francorum an. DCCCXLV.* Erat sanè tunc Burgundia regni Francorum provincia, atque in ditionem horum veniebat anno DXXXIV: nomenque hoc ab insigniori & majori parte capiebat, cum regni titulo & dignitate ornaretur. v. *Gregorius Turonensis lib. III. cap. 6.* & *Marius Aventicensis in Chronico.* Inde hoc regnum à Francorum secundæ stirpis ditione sejunctum est, qvod anno DCCCXXCVIII, ductu auspicioque Rudolfi accidit, imperante Arnolpho. *Regino Chron. lib. II. ad h. an. Post-* hac, tertią Francorum Regum periodo, Henricus Auceps, & Otto M. armis victricibus eò penetrarunt. Anno c. 10  
XXXII. regnum hoc obvenit Conrado Salico, ut est apud *Wipponem in vita Conradi Salici ad hunc an. & seq.* Hinc demùm Fridericus Ahenobarbus, inito connubio cū Beatrice, Rainaldi III. Comitis Burgundiæ filiâ unicâ pari-



ter & herede , hanc juris firmandi viam reperit , & com-  
modâ occasione usus est , & Burgundiam novo atqve uxo-  
rio titulo acquisitam , Germaniæ iterum arctissimè con-  
junxit. Otto Frisingensis de gestis Friderici I. lib. II. cap. 29.  
Radevicus Ottonis continuator refert , antistites primates-  
que regni Arelatensis , omnimodam subjectionem & debi-  
tam fidelitatem Imperio Romano compromisisse. lib. I. cap. 11.  
Guntherus lib. VI. Ligurini. A qvo tempore appellatio re-  
gni Arelatensis usu Imperii increbuit , & serio recepta , &  
constanter servata , atqve adeò in Karoli IV. tabulas reda-  
cta est , nomenqve regis Burgundiæ , qvod è Francis Me-  
rovingis Gunthramnus sumvit , sensim exolevit. V. Pon-  
tus Heuterus rerum Burgund. lib. I. qvi Bosonem contem-  
ptim & per contumeliam Provinciæ , aut Arelatum Re-  
gem dictum fuisse narrat , & Joannes Bussieres bish. Franc.  
lib. VI. De Gunthramno conf. Hadrianus Valesius rer. Fran-  
cic. lib. XX. Ut vero regnum Arelatense Germaniæ , sic  
Gallia , qvà ditionis Germanicæ est , regno Arelatensi  
conjuncta , atqve ad imperiale officium Archiepiscopi Tre-  
virensis relata est , unde colligamus licet , non universam  
Galliam , sed Belgicam solùm , qvæ una cum regno Are-  
latensi ad Imperium pertinet , hoc tali Archicancellariatu  
contineri V.H. Conringius de fin. Imp. cap. IIX. Jo. Henr.  
Bæclerus notit. Imp. lib. VI. cap. 6. Non satis idonea est in-  
terpretatio Marvardi Freheri in notis ad Petrum de And-  
lo lib. II. cap. 1. Nec melius explicat Abraham Urbanus in  
diss. de Imperii Electoribus cap. IV. th. 3.

XXV. Sed qvæ & qvanta sint tandem ista testimo-  
nia , qvibus multi nescio qvod pondus inesse putant , ut  
Karolum IV. culpæ reum faciant , & dissipationis Imperii  
bonorum , qvæ regnum Arelatense complectitur , con-  
vincant , & alios ad assentiendum moveant atqve indu-  
cant,

ant, propius inspiciamus. Theodericus à Niem, pontificius quondam scriba, ac deinde Verdensem apud Vestphalos Antistes, quem manifesto errore episcopum Virdunensem nominat Balbinus, hodiernus rerum Bohemicarum scriptor, gravi accusatione petit Karolum, & sic scribit. *Carolus hujus nominis quartus Augustus, immo verius dissipator injustus, tempore Urbani Papæ V. regnum Arelatense, quod similiter est juris & proprietatis Imperii, & quod etiam dictus Otto Magnus Imperator adjecit Imperio, sumpto magno prandio apud Villam novam prope Avignonem per eundem ducem ipsi Carolo preparato, transtulit in prefatum ducem, postea in regno Siciliæ vitâ functum: nec bis contentus idem Carolus nobilem principatum Delphinatum vulgariter nuncupatum, qui est una de septem provinciis dicti regni Arelatensis, quod etiam Burgundiæ nuncupatur, transtulit in Regem Francorum, sub colore, quod primogenitus regis Franciæ dictum principatum, tanquam vasallus Imperii teneret in feudum, & inde Delphinus vocaretur, de schismate lib. II. cap XXV. Primo indictâ causâ reprehendit, criminatur & damnat Augustum. Deinde diversa Karoli IV. itinera confundit, quorum alterum anno c I<sup>o</sup> CCCLXV. versus Avenionem suscepit, atque hanc urbem ingressus Urbano V. illic sacris operanti adfuit, cum domi rerum satageret Carolus V. alterum anno M CCC LXX VIII. iniit, atque in urbem Parisiorum summâ pompa deductus, liberaliter habitus & cultus, ac solenni convivio ab Rege Franciæ exceptus fuit. Hoc fuit illud prandium scilicet propter quod Delphinatum & regnum Arelatense transtulit in Regem Francorum. Tum sibi non constat, quando ait, Delphinatum & regnum Arelatense translatum esse in Regem Francorum. Hoc enim aperte falsum est, & alibi à seipso dissentit, prat-*

HOC



tatque, Ludovico duci Andegavensi Francorum regis germano, suisque heredibus concessum ac traditum fuisse. In nemoris unionis labyrintho tract. VI. cap. XXXIII. Rursus faltit, quod Ludovicum Andegavensem nominat, quem sci-re oportuit, non Ludovicum Andium ducem, cui Imperator nihil vicario jure gerendum tradidit, sed Carolum Delphinum, eumque Caroli V. sapientis filium hic fuisse denotandum. Neque vero plenum summumque jus in Delphinatum & regnum Arelatense Delphino concessum est, sed vicaria potestas sub auspiciis Imperii habenda, quae sine dubio minor est potestate concedentis, utpote cujus vicaria est, atque vel hoc argumento summa dici ac haberi non potest. Qvod de colore & adornato in speciem Vasalli titulo subjunxit, non potest certis monumentis firmari illa Cesarum sub lege beneficiaria concessio, quae quidem ratione Delphinatus peracta sit, omnino autem post decessum Humberti, ultimi Delphinatum principis, confirmatio Cesarera ratione Delphinatus quæsita est, evidenti certè documento Cesarrei juris, cui non officiebat donatio Humberti, quippe quæ intelligi debet cum exceptione summae potestatis, quæ apud Cesares farta tecta remanebat. Post haec Karolus IV. Delphinum non ratione Delphinatus regni que Arelatensis Vasallum reddidit, sed eum Vicarium constituit, nec aliud, quam vicarium temporariumque jus ipsi assignavit. Robertus Gaguinus refert sequentia. Traditum à Gallis scriptoribus comperio, Imperatorem quibusdam castellis terræ Delphinatus donasse Delphinum, eumque in Arelatensi regno Imperii vicarium instituisse. Hist. Franc. lib. IX. Dicit, quædam castella, non exprimit quo jure, supremo, an fiduciario, an clientelari, an vicario possidenda donaverit: neque vero terram Delphinatus, sed aliquando untaxat castella donata fuisse refert: adhac donationis con-

concessionisqve instrumentum non vidit , nec plus concessum affirmare ausus est , qvam qvod Vicarii & locum tenentis munere officioqve designatur . Totam verò hanc Imperatoris concessionem reticet Paulus Aemilius in lib . IX . de rebus gestis Francorum in Carolo V . Nisi qvod eodem libro in Philippo Valesio tradit , Humbertum à nobilitate persvasum , regionem Delphinatus Regibus Francorum addixisse , ea tamen lege , ut filii ipsorum natu maximi & habiles , sive ut Aemilius scribit , in proximam spem regni suscepisti , Delphini vocarentur , juraque Delphinatibus redderent . Sed qvo jure id habeant , summo , an dependenti & vicario , non definit , nihilqve dicit contra jus Cæsarum , nec ad ultimam originem causamqve concessio- nis progreditur , sed in dante inferiori & proximo , salvis Imperii rationibus , acqviescit .

XXVI. Joannes Aventinus , cetera eximus & diligens Bojorum scriptor profusum donandi genus innuit , atqve hæc de Karolo IV. scribit . Galliam Narbonensem , qvam Viennæ principatum , Delphinatum , regnum Arelatense vocamus , ab Imperio abalienavit . Joanni sororis suæ marito , ejusqve filio Carolo quinto regibus occidentalis Franciæ tribuit . Sigismundus filius ejus , qvi post rerum potitus est , approbavit . Diploma in bibliotheca Parisiorum amplissima , qvæ in templo suburbano divo Victori dedicata extat , legi . in libro VII annalium Bojorum . Exinde verò perspicimus Aventini industriam , & diplomatis SanVictoriani fide nitentis auctoritatem : adhæc consultò prætereuntis ineptam & fabulosam Niemii circumstantiam de prandio apud Villam novam sumto , cuius nec scriptor vitæ Karoli IV. neqve auctor vitæ Urbani V. neqve alias quisquam æqvalis , aut suppar mentionem fecit , neqve status istorum temporum tulit , ut Carolus V. Lutetiâ facile

C

exce-



excederet, qvi caput rerum prudenter tenebat, & sedendo, ut dici solitum est, hostes vincebat. Illud autem libenter admittimus, ubi assentiendi causa est, sed ubi certar non respondent, ab eo discedimus, & nihil amori damus. Qvare colligo, Aventinum in digresione ad res Gallicas, munera sui oblitum, & errore memoriae lapsu, de diplomaticis sententiâ non tam ex accuratâ lectione, qvam ex famâ, qvæ apud vulgus percrebuerat, judicasse, ut evenire solet iis, qvi juvenes, nec ætate, neque rerum usu confirmati, studiorum gratiâ apud exterios versantur. Nam hoc liqvidò scimus, concessionem Karoli IV. ad Carolum Delphinum, Caroli V. filium, Joannis nepotem, ac Philippi Valesii adeò pronepotem pertinere. Agnoscit hoc Henricus Spondanus, & Caroli Regis Francorum primogenitum, posthac Caroli VI. nomine appellatum, si de visi diplomaticis memorat, atqve hoc temporum actorumque rationibus congruit, nec traduci potest ad Carolum Philippi Valesii filium, ut scribitur in nucleo historiæ Germanicæ §. CCVI. Concessit autem Karolus nihil Delphino, præterquam vicarium jus, nec plus sanè confirmare potuit Sigismundus.

XXVII. Jacet nunc, opinor, totius criminatiois caput, nec video, qvamobrem ex eo vel invidia colligi, vel odium Karolo IV. conflari possit. Gasparem Peucerum, virum nostratis historiæ, & omnis antiquitatis peritissimum, forte in hanc sententiam traxit Aventinus: Ille autem ut probet vera esse, qvæ tradit, rationem addit, & hæc qvidem in parte laudem obterit innoxii Imperatoris. Ita enim scribit: *Et quod addictior esset Gallico nomini, ex primi consuetudine, deinceps Regibus jura regni Arelaten sis alienata ab Imperio concessit, in maximum detrimentum Imperii.* Qvâ de re graviter & jure culpatur. Chron. lib. V.

V. Fateor qvidem Karolum IV. diu in aulâ Gallicâ educatum, & mutato Venceslai nomine, Karolum ibi appellatum, atqve in mores Gallicos formatum, & denique illius gentis regibus necessitudine & connubio fuisse innexum, id qvod Gallici pariter & Bohemici scriptores testantur. Sed æquum non est, ut ideo hujus facti, qvod fidem lædit, & pacta infringit, invidia in Karolum IV. conferatur. Hoc probandum est, non conjecturâ affirmandum, non ratione colligendum. Aliter fieri par est, qvum de promissô & pacto Principis agitur, in quo fides exuberare debet, & si qvid contra admissum est, evidenter probari oportet.

X X V I I . Nicolaus Vignierius hujus concessionis causam & rationem ita explicat, ut ejus originem simul ad Albertum I. referat, qvasi is suo & Imperii juri in regnum istud renunciasset, ac deinde post eum Henricus VII. spe impetrandi consensus Imperii Principum, sine ulâ conditione & exceptione Philippo Francorum regi vendidisset. Part. III. Biblioth. historial. Nominat diploma transactionis, sed non affert, ut propterea ab hoc teste vim & pondus testimonii reqviramus. Mox historiam Episcoporum Trevirensium nondum excusam laudat, in quâ exemplum transactionis reperiatur: sed in castigatissima rerum Trevirensium historiâ, qvæ diu post Vignierium industria Chr. Brovveri collecta, & operâ Jacobi Mansenii edita est, perspicuè legamus, Boemundum & Wicboldum, per regnum Arelatense & Italiam Archicancellarios, reliqvosqve Imperii Principes consensum non interposuisse, Boemundum quoqve, cuius in istis finibus & expediendi, & sigilli imprimendi partes erant, sigillum tradere noluisse, ut vel isto denegati consensus & sigilli indicio, hæc actio ad exitum effectumqve non deduceretur, multo minus vim & auctoritatem Imperialis transactionis

conseqveretur. Qvod Limnæi & Conringii causa omnino meretur observari: interim vid. Browerus annal. Trevir. t. II. lib. XVI. Absurdior est narratio, qvæ extat apud Gvilielmum de Nangiaco, in hanc sententiam, quasi ex formulâ transactionis, inter Albertum I. & Philippum Pulchrum initâ Rhenus Franciæ limes versus Germaniam constitutus esset. Valde miror, id probâsse fratres Sammarthanos, qvos jure castigavit Petrus Puteanus, & agnovit Belloforestius, non à Rheno, sed à Mosa limitem utriusqve regni ducendum esse. Conf. H. Conringius F. I. cap. XXIV. & Ulricus Obrechtus Prodromi vol. i. cap. VII. Æqvè vanum est, qvod commemorant de venditione Henrici VII. qvæ non magis firma esse potest, qvam Alberti I. transactio, qvoniā Imperatoribus nō est jus alienandi partes Imperii sine consensu Imperii Electorum, Principū atq; Ordinum, qvi nunquam hujusmodi venditionem suffragiis suis comprobarunt. Neq; verò hâc venditione opus fuit, si ja-ctata Alberti I. donatio præcessisset. Nihil addam de auctoriis venditionem hanc celebrantibus, qvi suspecti sunt & variant, certisqve monumentis destituuntur. In-ter hos est Cassanus, qvi in probandi negotio hæret & am-bigit, utrum ab Henrici, an à Conradi cessione regni hu-jus supremum jus sit arcessendum, de qvo legere est in Vin-diciis Hispanicis Jo. Jacobi Chiffletii, satis ingenui & dili-gentis. In primis autem Cassani, & similium auctorum commenta vel hoc argumento refelluntur: qvod si un-qvam vel ab Alberto, vel ab Henrico, vel alio qvovis ante-riori Cæsare, regnum sâpe dictum Regibus Francogalliae donatum aut venditum fuisset, non posset reddi ratio, qvamobrem Karolus IV. regis insignia eo in regno suscepisset: non item posset adduci causa, qvamobrem Caro-lum Delphinum cum vicaria jurisdictione per totum hoc re-



regnum constituisse, si jam diu ante Reges Francorum titulo donationis, vel emptionis supremum ejus regni dominium obtinuissent. Imò si verum esset, quod de Alberti I. & Henrici VII. cessione traditur, Clemens VI. Pont. Rom. tam enixè non laborasset de assensu & confirmatione Karoli IV. cum Avenionem Provinciæ urbem à Joannâ Neapolitanâ, tanquam à Provinciæ Comite emeret, quod is tamen necessariò faciendum sibi putavit, & misso in Lusatiam nuncio impetravit, summamque adeò Imperii jurisdictionem in Provinciæ Comitatum, ab excessu quoque prædictorum Cæsarum Alberti I. & Henrici VII. agnovit. v. *Abrahamus Bzovius, & Henricus Spondanus Baronii continuat. ad an. 1348. & Bosquetus in vita Clementis.*

XXIX. Majori prudentiâ, ut aliás solet, Albertus Cranzius ad hanc rem aggressus est, atque in Karolo IV. largiendi prudentiam desideravit, & questus est, exhaustos ab eo esse Imperii nervos, & vendita vectigalia publica, ab alienatasque Imperii urbes, ut quas venum exposuisset, Principumque finitimorum ditioni attribuisset. lib. X. *Saxon. cap. 3.* Nam diversæ sunt quæstiones de concessione dominii utilis, & cessione dominii directi, ac juris Imperatorii in universum. II. Alia est disceptatio de bonis Imperii in alium statum deductis, ut nihilominus adhuc summam Imperii potestate contineantur: alia est de iisdem ab Imperio prorsus separatis, ita ut ab universo civitatis jure eximantur. III. Non paria faciunt amissio juris, quod est cum dignitate Civis Imperii, & amissio Civitatis Imperialis. IV. Quoad enim civitas retinetur, manet parenti obligatio, etsi dignitas regalis amittitur, & pristina conditio mutatur, ita ut exemptus non proxime, sed interje-

cto alio, puta Principe, aut territorij domino, jus in civitate deinceps accipere teneatur. V. Imperatores s̄epe liberiūs versati sunt in bonis patrimonium reipublicæ complectentibus, qvorum concessio ita se habet, ut per eam summa concedentis jurisdictione non extingvatur. VI. Qvamvis ne sic qvidem mero suo arbitratu id possint, neque olim jure potuerint: majoris autem momenti res est, si de summo concedentis imperio bona isthæc concessa auferantur, atqve in aliud, & suis legibus utens Imperium transferantur. VII. Etenim ab ultimis inde Regum Germaniæ, & ipsius adeò Ludovici Germanici temporibus, Reges atqve Imperatores nostri liberum alienandi jus non habuerunt, qvamvis aliqui eorum, nescio quo necessitatis prætextu, ante rigorem *Capitulationum*, reipsa alienârint, salvo tamen Imperii jure. VIII. Nam à principio reipublicæ Germanorum *capitula*, unde *capitulationes* dicuntur, cœperunt, & semper usu probata viguerunt, maximè autem ætate Caroli V. Austrii increbuerunt & aucta sunt, regniqve legitimi indicia præbuerunt. IX. Necessitatis exceptio non potest fraudi esse iis, qui semper assentiendi jus habuerunt, & dato abalienationis *casu*, consensum pro eo, ac decet, non interposuerunt, sed imò contradixerunt & reclamarunt. X. Hinc ex eo capite nequit obtendi *præscriptio*, qvoniam tali modo accipienti obstat mala fides, qvando scit, nihil jure abalienari posse, ubi potestas abalienandi deest. XI. Nec vero ita abalienavit Karolus IV. ut ab Imperio ullam Imperii partem separaret, sed qvod donavit & vendidit, id intra summam Imperii jurisdictionem stetit, ac iis summi dominii legibus fixum permansit. XII. Neqve in bonis *dominium* & ærarium *Imperiale* complectentibus, pleno & libe-

ro



ro jure usus est, non modò ob necessarium Imperii consensum, sed qvoqve ob causam rationemqve evidenter ferendi onera reipublicæ, & tuendi imperatorum splendorum. Qvâ de catisâ Electores ad Rhenum non satis sibi caustum putârunt, nisi caput illud de concessis oppigneratisqve sibi vectigalibus expressè in juratas Cæsarum *capitulationes* referretur. XIII. Proinde dicterium, qvod Maximiliano I. tribuitur, non est ita capiendum, quasi partes reipublicæ insigniores, nominatimqve regnum Arelatense à supremo Germaniæ dominio separasset, atqve in alienum & externum imperium traduxisset. Etenim nihil tale admisit Karolus, & in concessione regni Arelatensis clare significavit, *Vicariatum generalē*, eumqve non hereditarium, sed qvoad Delphinus viveret, concessum fuisse. XIV. Exinde eliciamus, *absolutum Imperium*, qvod concessione *vicarius generalis* Delphino attributum memorat Spöndanus, non designate summum *absolutumqve* regendi jus, sed plenam liberamqve administrationem, qvam eo titulo Delphinus habebat, atque non suo, sed concedentis nomine, nec proprio, sed alieno & dependenti jure, neqve summâ, sed vicariâ duntaxat potestate *ad tempus vitæ*, retinebat, *in annal. eccles. Baronii continuatione t. 1. an. 1378.* Nullus dubito, id omne clariss fore, & ad tuendam hanc causam opportunius, si integrum, nec mutilatum diploma in posterum edatur. XV. Esto autem: concesserit summum regimen Delphino: summum certè jus sibi & Germaniæ reservavit, qvod eo mortuo, Rupertus Romanorum Rex principio quincti decimi seculi testatum fecit, & publicè evidenterque declaravit, *Vicariatum Imperii alterum, Palatinatus Rhenensi* tunc conjunctum, per Galliani regnumqve Arelatense diffundi: id qvod summi, nec ab alienati per Karolum juris firmum sanè manifestumqve argumentum fu-

it.



AK  
Tn  
1907

it. Extant tabulæ apud Marvardum Freherum , juris neq; vicqvam ablati testes , in notis ad Petrum de Andlo lib. II. cap. 10. Esto: majorem Bohemiæ , qvàm Imperii rationem habuerit : esto, illius commoda potius , qvàm Germaniæ qvæsierit : ut est apud *Æneam Sylvium hist. Bo- blem. cap. XXXIII.* Jo. Caspinianum Oper. de Cæsar. in Ca- rolo quarto : quorsum spectant Jacobus Spiegelius lib. V. in notis ad Ligurinum , & Simon Rettenpacher in annalibus *Cremifanensibus lib. III. cap. 2.* Non tamen ita curam co- gitationemque reipublicæ abjecit, ut partes Imperii de Im- perio demptas, in externa regna potestatesque transferret. XVI. Extremò in alienatione evidens necessitas specta- ri debet, citra qvam fieri non intelligitur, nedium *presumi- tur.* At verò tunc nihil occurrebat atq; incidebat , qvod necessitatis ratione ad perniciosam ejusmodi cessionem Imperatoris animum inclinaret. Regnum Galliæ bello Anglico exhaustum & fractum, vix seipsum tueri poterat, nec Germaniæ metuendum erat, sed ab auctoritate Karo- li IV. consilium & robur petebat, adeò ut ipse pacis conci- liandæ causa in Galliam proficeret. Necessitas ergò ostendi non potest : utilitas quoq; inde nulla ad conce- dentem redundabat : Nulla res, nulla ratio Karolum mo- vebat, ut aliquid tale moliretur. Clariora servati juris in- dicia supersunt, qvæ doceant, nunquam eo regno se exuis- se Karolum, nec, salvâ Imperii majestate, in alium, exter- numque Principem transferre potuisse.

XXX. Nondum igitur jure suo Germania excidit, neq; in pace Vestphalicâ, neq; in Noviomagensi, qvæ tota illius fundamento stat & nititur , pristino summo- que regni Arelatensis dominio renunciavit : qvinimo ratione ejus non inanem *officii Imperialis* titulum etiam- nunc retinet , atq; hujus usu constanti & firmo , jus non cessum, neq; derelictum evidenti ratione asserit, servat ac tuetur.

• 05 (0) 50 •

1003

